

HCS 14

Cynulliad Cenedlaethol Cymru

Y Pwyllgor Cymunedau, Cydraddoldeb a Llywodraeth Leol

Bil Safleoedd Carafannau Gwyliau (Cymru)

Ymateb gan: Councillor RH Wyn Williams, Councillor Angela Russell,  
Llanbedrog

Aelod Cabinet, Gofal ac Iechyd, Councillor, Robert Wright, Pwllheli.  
Cabinet Member Care and Health, Councillor. Gruffydd Williams, Nefyn,  
Gwynedd Council, Abersoch

Diolch am y cyfle i ymateb i'r mesur o Ymestyn agor Safleoedd Carafannau o ddeg mis i ddeuddeg mis, sef trwy'r flwyddyn.

1. Yn gyntaf fe hoffwn ddweud wrth drafod yn lleol, bod yna sawl mudiad a'r Cyngor Cymuned gyda phryder o weld y Safleoedd yma yn agor am ddeuddeg mis, ac yn llwyr wrthod y newid yma am sawl reswm.

2. Yn yr ardal yma mae yna dros 4,000 o Garafannau, ac erbyn hyn ac yn raddol mae sawl safle wedi derbyn yr hawl i agor am ddeuddeg mis 3.

Oherwydd y sefyllfa difrifol ariannol sydd yn gwynebu Llywodraeth Leol, fe fydd ddim modd iddynt fel gwasanaeth fonitro'r Safleoedd yma 4. Fe fydd y bwriad yn groes i Nodyn Cyngor Technegol 20 sy'n caniatáu i fuddiannau ac anghenion yr Iaith Gymraeg gael eu cymered i ystyriaeth.

5. Oherwydd y diffyg monitro fe fydd yn agor y drws i ddarpariaeth barhaol ac felly yn tanseilio polisi ch4 ac yn medru ymestyn i dai fforddiadwy, oherwydd ansawdd uchel y Carafannau.

6. Fe fydd yn rhoi pwysau ychwanegol a'r gwasanaethau'r Cyngor fel Gwasanaethau Cymdeithasol, Priffyrdd ynghyd ac Iechyd, Heddlu a gwasanaeth brys yr ardal.

7. Mae'r Ardal yma yn ddibynnol iawn ar y diwydiant Twristiaeth, ond fe fydd y newidiadau yma yn medru newid ein hardaloedd gwledig fel Ardal Harddwch, a chreu sefyllfa a sefyllfeydd trefol, sydd yn gwbl annerbyniol i'n Cymunedau yma ym Mhen Llŷn.

8. Os oes yna newid am fod, fe fydd rhaid gosod amodau llym a thrwydded a fydd yn cyfrannu tua £100 neu hyd yn oed £150 y Garafán am drwydded yn flynyddol ac am yr hawl i agor am ddeuddeg mis.

9. Yr arian yma i'w gasglu gan y Llywodraeth Leol er mwyn sicrhau'r drefn Monitro weithredol a bod y gwasanaeth yn hunan cyllidol ac nid yn faich ar ein Trethdalwyr.

Mae'r sylwadau uchod yn dod oddi wrth sawl ardal yma ym Mhen Llŷn, gyda gobaith y bydd yr Ymchwil yn cadarnhau dim agor am ddeuddeg Mis. ond os bydd, eich bod yn cymryd sylw o bwyntiau 8 a 9 uchod. Gyda diolch ac edrychaf ymlaen am eich ymateb, rwyf yn hapus iawn i chwi gysylltu os ydych angen trafod ymhellach. Yn gywir iawn